



SLUŽBENE NOVINE

KANTONA SARAJEVO

Godina XXIV – Broj 17

Četvrtak, 25. aprila 2019. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 37. i 46. u vezi sa članom 23., 31. i 39. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19) i člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 15. sjednici održanoj 11.04.2019. godine, donijela je sljedeću

UREDBU

O NAKNADAMA KOJE NEMAJU KARAKTER PLAĆE DIO I. OPĆE ODREDBE

Član 1.

(Predmet regulisanja)

Ovom uredbom uređuju se uvjeti, kriteriji i način ostvarivanja naknada i drugih materijalnih prava koja pripadaju državnim službenicima i namještenicima u kantonalnim organima uprave i kantonalnim upravnim organizacijama i drugim organima kantonalne uprave (u dalnjem tekstu: kantonalni organ uprave), koja nemaju karakter plaće, a čija visina i način ostvarivanja nisu u potpunosti regulisani Zakonom o plaćama i naknadama u organima vlasti Kantona Sarajevo (u dalnjem tekstu: Zakon).

DIO II. NAKNADE KOJE PRIPADAJU DRŽAVNIM SLUŽBENICIMA I NAMJEŠTENICIMA

Odjeljak A. Vrste naknada

Član 2.

(Naknada za prekovremeni rad, rad u neradne dane, noćni rad i rad u dane državnih praznika)

- (1) Državnom službeniku i namješteniku osnovna plaća uvećat će se:
 - a) za prekovremeni rad 50%,
 - b) za rad u neradne dane 30%,
 - c) za rad noću 35%,
 - d) za rad u dane državnih praznika 50%.
- (2) Naknade odnosno uvećanja plaće iz stava (1) ovog člana ostvaruju se donošenjem rješenja u kome će biti precizno

naznačeni vrsta poslova, broj sati provedenih na takvim poslovima i broj izvršilaca poslova.

Član 3.

(Naknada za slučaj povrede na radu, teške invalidnosti i teške bolesti)

- (1) U slučaju nastanka povrede na radu, teške invalidnosti ili teške bolesti državnog službenika i namještenika, ili člana njegove uže porodice, isplaćuje mu se jednokratna novčana pomoć u skladu sa članom 31. Zakona.
- (2) Pod teškom bolešću iz stava (1) ovog člana, podrazumijevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sustava, infarkt (srčani i moždani), oboljenje mišićnog sustava, paraliza i druge teške bolesti odredene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda se dokazuje na osnovu dijagnoze i potvrde nadležne zdravstvene ustanove i zdravstvene komisije za kvalifikaciju težine bolesti - JU "Zavod za zdravstvenu zaštitu zaposlenika MUP-a Kantona Sarajevo".

Odjeljak B. Rješavanje o naknadama i drugim materijalnim pravima

Član 4.

(Rješenje)

- (1) Naknade i druga materijalna prava predviđena u odredbama čl. 2. i 3. ove uredbe ostvaruju se donošenjem rješenja.
- (2) Rješenje iz stava (1) ovog člana donosi rukovodilac kantonalnog organa uprave u kojem se državni službenik, odnosno namještenik nalazi u službi.

DIO III. PRIJELAZNE I ZAVRŠNE ODREDBE

Član 5.

(Primjena Uredbe)

Naknade i druga materijalna prava utvrđena ovom uredbom, odnose se i na izabrane dužnosnike, nosioce izvršnih funkcija, pravobranioca i zamjenika pravobranioca, kao i na lica koja nisu državni službenici a čiji se radno-pravni status uređuje Zakonom o državnoj službi u Kantonu Sarajevo ("Službene novine Kantona Sarajevo", broj 31/16).

S L U Ž B E N E N O V I N E
KANTONA SARAJEVO

Broj 17 – Strana 2

Četvrtak, 25. aprila 2019.

Član 6.

(Započeti postupci)

Svi postupci za otvarivanje naknada i drugih materijalnih prava započeti prije stupa na snagu ove uredbe, okončat će se po odredbama uredbe po kojim su započeti.

Član 7.

(Prestanak važenja)

Danom stupa na snagu ove uredbe prestaje da važi Uredba o naknadama koje nemaju karakter plaće ("Službene novine Kantona Sarajevo", br. 4/12, 25/14 i 21/18).

Član 8.

(Stupanje na snagu)

Ova uredba stupa na snagu narednog dana od dana objavljanja u "Službenim novinama Kantona Sarajevo".

Broj 02-05-16100-6/19

11. aprila 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a u vezi sa članom 13. stav (4) Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", broj 32/17), Vlada Kantona Sarajevo, na 15. sjednici održanoj 11.04.2019. godine, donijela je

ODLUKU

**O IMENOVANJU VIJEĆA ZA RAZVOJNO
PLANIRANJE I UPRAVLJANJE RAZVOJEM U
KANTONU SARAJEVO**

I

Ovom Odlukom imenuje se Vijeće za razvojno planiranje i upravljanje razvojem u Kantunu Sarajevo (u daljem tekstu: Vijeće Kantona Sarajevo).

II

Vijeće Kantona Sarajevo se imenuje u sljedećem sastavu:

1. Premijer Kantona Sarajevo - predsjednik
2. Gradonačelnik Grada Sarajeva - član
3. Načelnik Općine Stari Grad Sarajevo - član
4. Načelnik Općine Centar Sarajevo - član
5. Načelnik Općine Novo Sarajevo - član
6. Načelnik Općine Novi Grad Sarajevo - član
7. Načelnik Općine Ilidža - član
8. Načelnik Općine Trnovo - član
9. Načelnik Općine Vogošća - član
10. Načelnik Općine Ilijaš - član
11. Načelnik Općine Hadžići - član
12. Predsjednik Udruženja poslodavaca Kantona Sarajevo - član
13. Predsjednik Kantonalnog odbora Saveza samostalnih sindikata Sarajevskog Kantona

III

Vijeće Kantona Sarajevo je tijelo Vlade Kantona Sarajevo koje ima savjetodavnu ulogu u procesima definisanja, implementacije, monitoringa, evaluacije i izvještavanja o realizaciji razvojnih prioriteta u Kantunu Sarajevo i djeluje u skladu sa principima partnerstva i saradnje u skladu sa odredbama Zakona o razvojnom planiranju i upravljanju razvojem u Federaciji Bosne i Hercegovine.

Osnovni zadaci Vijeće Kantona Sarajevo su razmatranje i davanje preporuka:

- a) o ključnim razvojnim prioritetima u Kantunu Sarajevo;

- b) o strateškim dokumentima Bosne i Hercegovine, Strategiji razvoja Federacije Bosne i Hercegovine, strategiji razvoja Kantona Sarajevo, sektorskim strategijama Kantona Sarajevo i njihovoj međusobnoj uskladenosti, a prije njihovog dostavljanja Vladi Kantona Sarajevo na razmatranje;
- c) o strategijama razvoja jedinica lokalne samouprave i njihovoj uskladenosti sa strateškim dokumentima kantona;
- d) o razvojnim programima koji zahtijevaju zajedničko djelovanje različitih institucija Kantona Sarajevo i jedinica lokalne samouprave, a u okviru strategije razvoja kantona;
- e) o godišnjim izvještajima o implementaciji strategije razvoja i sektorskih strategija Kantona Sarajevo;
- f) o problemima i razvojnim potencijalima Kantona Sarajevo za razmatranje u okviru Vijeća Federacije Bosne i Hercegovine;
- g) u pogledu drugih poslova iz oblasti razvojnog planiranja i upravljanja razvojem u Kantunu Sarajevo.

Po potrebi, u okviru Vijeća Kantona Sarajevo osnivaju se sektorska vijeća koja imaju savjetodavnu ulogu u procesima definisanja, implementacije, monitoringa, evaluacije i izvještavanja o realizaciji specifičnih sektorskih prioriteta Kantona Sarajevo.

IV

Način rada i ostala pitanja od značaja za obavljanje poslova iz djelokruga rada Vijeća Kantona Sarajevo uređuju se poslovnikom o radu.

V

Stručne i administrativne poslove za potrebe rada Vijeća Kantona Sarajevo obavlja Zavod za planiranje razvoja Kantona Sarajevo.

VI

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-05-16100-9/19
11. aprila 2019. godine
Sarajevo

Premijer
Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 15. sjednici održanoj 11.04.2019. godine, donijela je

ODLUKU

**O PROGLAŠENJU PROJEKTA ORGANIZACIJE I
ODRŽAVANJA EVROPSKOG ŠUMARSKOG
PRVENSTVA U NORDIJSKIM SKI DISCIPLINAMA
2021. GODINE NA IGMANU OD JAVNOG ZNAČAJA ZA
KANTON SARAJEVO**

I

Proglasjava se Projekat organizacije i održavanja Evropskog šumarskog prvenstva u nordijskim ski disciplinama (EFNS) 2021. godine na Igmanu od javnog značaja za Kanton Sarajevo.

II

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-16100-10/19
11. aprila 2019. godine
Sarajevo

Premijer
Edin Forto, s. r.